

東文選

十

内閣文庫	
番號	漢 17777
冊數	130 (10)
函號	函 116 1





東文選卷之十

五言律詩

題拱北樓

權漢功

拱北樓新構庚申十月初詩從權贊善功自尹尚
書古道依紅樹清池倒碧虛留連日將暮山色正
愁予

廬山寺枕碧樓

十載讀書處布衣今再遊長松蔭古道亂石漱寒
流白日山村暗青春洞府幽何時擁萬騎一笑上
江樓

清州拱北樓

柳淑

北樓陪賞日東國中興初勝事將傳示新詩強自
書旌旄森滿路袞黻迥臨虛此地雖云樂松山苦
僕予

題興教僧統餞行詩軸

李達哀

但要無心耳何傷有髮乎莫言儒斥佛嘗謂我忘
吾擾擾慕羶蟻區區吞餌魚幻生多恠事轟醉乃
良圖

送河南郭檢校求錫九疇

李仁復

天子憂南紀元戎控上游遠交來使節遙望即仙

舟雪重貂裘暖天寒驛路脩冬官如有問爲我謝

綢繆

劉工部是
我同年

送僕符寶還大明

帝運初興漢民心久戴商義君來奉使愧我未觀
光驛路山橫翠船窻月送涼贈言吾不佞努力更
流芳

送門生郭正言儀出按江陵

宵旰憂民日郎官奉使秋皂囊封暫輟紅旆挽難
留邊靜無虛警山高有勝遊君看東海水早晚我
乘桴

送朴部令宜中觀母金堤時朴兼學官

籍甚芹宮客飄然桂榜魁斯文今未喪吾子故多才祖席西風急歸鞍後騎催嗟余獨何事欲去更徘徊

杏村李侍中岳挽章

秉志忠兼孝持身險若夷邇來方折屐誰謂忽乘箕黃閣風聲遠蘭亭墨跡遺舍言更流渟非獨為吾私時公姪珣破賊而還故有折屐之語

思庵柳政堂淑挽章

佐命由潛邸成功及盛年忠誠明貫日讒說暗欺

六身退猶難免名高更可傳君恩已追謚亦足慰童泉

芸齋李政堂彥冲夫人挽章

奕世家聲著疏封婦德崇康寧垂八秩柔順得三從絳帳空留月丹旌遠逐風升堂記疇昔有淚忽霑宵

遼陽縣君三韓國夫人挽章

鸞檢皇恩渥魚軒象服鮮三遷修母道八秩享天年慈儉人皆法哀榮史可傳防山何處在丹旆去翩翩

夜坐次杜工部詩韻

韓脩

此日亦云暮百年真可悲心為形所役老與病相
隨篆冷香殘後窓明月上時有懷無與晤聊和古
人詩

奉和韓山君所示

殘歲寒風積窮居酒盞疎愁雲低野迥凍雀傍簷
虛拙可存吾道閑唯愛我廬南窓書課進漸覺日
行舒

木落

木落悲秋盡床寒覺夜長回風搖閉戶飢鼠闖空

梁世事莊生蝶人情華氏羊塵纓未濯以明發問
滄浪

寄密城李使君

釋之

極目望南州西風意轉悠相違纔數月不見抵三
秋葉脫山新瘦沙寒水急流故人何處笛長嘯坐
江樓

宿驪興清心樓

鄭樞

夜入黃驪縣舟人欲卧時渚行風作暴樓宿月如
期天豁長江動沙明雜樹奇三更發清嘯便覺舞
馮夷

送郭九疇檢校

金九容

萬里天王地何年息戰塵
元戎方授鉞信使遠交隣
跋涉來蒼海驅馳向紫宸
自今爭刮目重見至元春

已亥年紅賊

慷慨豪談笑幽齋清夜深
悲風嘶朽木苦月上疎林
撫劍三長嘆停杯一浩吟
鴨江豺虎滿何似健兒心

送鄭當寺丞之任忠州

春風方駘蕩持節赴忠州
芳草東門路垂楊古渡

頭彈琴開古閣柱笏上高樓
應過驪江去江邊繫釣舟

宵夢

契遜

龍蛇猶格鬪豺虎尚縱橫
不見風塵息胡為江漢行
有身真大累無地托餘生
寂寞中宵夢淒涼去國情

次權左尹鑄韻

楊以時

擬賦早春詩轉頭春欲歸
斷腸芳草遠滿目落花飛
修楔客方盛浴沂人正稀
浩然清興發新沐振吾衣

幽居即事

金仲權

家貧營產少草色滿庭除
妻病惟須藥兒癡懶讀書
菊從晴後種菘向晚來鋤
漸覺幽居好門無長者車

自遣

裴中孚

吾愛吾廬好終年掩竹扉
檢書尋古架換酒典朝衣
水淺魚猶樂林深鳥自歸
怡然觀物化不是避人譏

次寒松亭韻

李茂芳

亭依松麓斷東望海無門
境靜仙蹤在沙明鳥篆

存碑心苔暈綠石面雨痕昏
一掬泉無渴源乎天地根

讀漢史

李穡

吾道多迷晦儒冠揔冷容
子雲殊寂寞伯始自中庸
六籍終安用三章竟不從
悠悠千載下重憶孔明龍

記安國寺松亭看雨

小雨仍村笛斜陽又寺鍾
山遙多醞籍水闊自春容
爽氣生明月寒聲起碧松
至今心尚悸雷電逐飛龍

夜吟

行年已知命身世轉悠哉
細雨燈前落名山枕上
來憂時知杞國請始有燕臺
恰到俱忘處心原冷
欲灰

偶吟

桑海真朝暮浮生况有涯
陶潛方愛酒江揔未還
家小雨山光活微風柳影斜
勾回還游意獨坐賞
年華

浮生

浮生安足恃老病競侵尋
日月環雙鬢乾坤矢一

心袖風晴倚杖衣露夜鳴琴
萬慮自此靜渺然天
地深

遣懷

倏忽百年半蒼黃東海隅
吾生元跼踖世路亦崎
嶇白髮或時有青山何處無
微吟意不盡兀坐似
枯株

浮碧樓

昨過永明寺暫登浮碧樓
城空月一片石老雲千
秋麟馬去不返天孫何處遊
長嘯倚風磴山青江
自流

洪武丁巳奉使日本作

鄭夢周

水國春光動天涯客未行草連千里綠月共兩鄉
明遊說黃金盡思歸白髮生男兒四方志不獨為
功名

偶題

今日知何日春風動客衣人遊千里遠鴈過故山
飛許國寸心苦感時雙淚揮登樓莫回首芳草正
菲菲

旅寓

平生南與北心事轉蹉跎故國海西岸孤舟天一

涯梅牕春色早板屋雨聲多獨坐消長日那堪苦
憶家

客夜

此奉使京師時作

客夜人誰問沉吟欲二更詩從枕上得燈在壁間
明默默思前事遙遙計去程俄然睡一覺童僕報
鷄鳴

送徐九思之江陵省觀

李崇仁

客從京國出遙向故園歸山水人居勝樓臺暑氣
微寂寥徐孺榻文彩老萊衣何日能相見尋君夢
遠飛

四庫全書

卷一百一十五

題玉田禪師松月軒有揭文安公曼碩歐陽
文公原功諸先生題詠

獨向層峯裏新開文室清
疎松留鶴老好月近人
明河漢高秋影風霜半夜聲
師心遣有相燕坐樂無生

送張衡叔還西都田宰相幕

相國經綸器朝鮮禮義邦
叅謀今俊逸遺俗更淳
厖樓閣臨平楚風煙接大江
君歸如記我莫惜鯉魚雙

扈從城南

郊甸秋成早君王玉趾臨
觀魚前事陋講武睿謀
深鼓角蒼江動旌旗白日陰
詞臣多侍從會見獻
虞箴

感興

久矣妨賢路飄然落遠方
山川非故國風露近重
陽冉冉蘆花白團團菊藥黃
容懷何以遣除却接
杯觴

民望傳郭秘丞見心歿嗚呼見心已矣吾與
民望流離嶺表行且徂歲存歿可哀情見乎
辭見心名復

此生足可惜吾友復云亡作賦山陽客修文地下
郎風霜流景暮詩酒舊游涼何事中秋月愁時滿
屋椽

憶三峯

不見鄭生久秋風又颯然新篇最堪誦狂態更誰
憐天地容吾輩江湖卧數年相思渺何限極目斷
鴻邊

正月十七日出自金川門馬上咏懷

男子平生志何曾學卧馳一身行地遠兩眼閱人
多經緯山河大蕃維宋漢和歸來覺踈宕馬上放

高歌

將赴都也宿揚州之廣陵驛見江都史知縣
知張伯淵先生下世悵然有作名溥號木訥
軒者

歲暮仍爲客今朝又哭君一言曾刮目千里共論
文契闊借言情何限幽明理已分雞龍山下路有
笛豈堪聞

嘉州路上聞王評理下世

我自江南返公亡路上聞傷心將落日滿目未歸
雲談笑三生夢精靈四尺墳他時人物論空此揖

英芬

避寇入城上牧伯金賞

權輿

世故終難料人心各不同兢兢常履薄咄咄但書
空相鳥猶求友聞蛙似為公仰天時大笑吾道豈
長窮

寄鄭進士

龜晉

老子惜離居何時復起予冬裘慈母線日課故人
書獨處情懷惡相望信字踈錦還知不遠榮彩耀
鄉閭

寄金副令

卞仲良

最憐金典校華髮卜山居睡枕松聲落吟窓竹影
踈巖耕春種豆水宿夜又魚盛代求賢急行當見
鶴書

閑齋同中慮偶吟

雪盡春光動山圍暮色多懶從生計薄閑愛舊知
過古井初消凍寒梅正結花團圓風味足賒酒更
煎茶

登宜州北城呈玄教官

迢遞鐵關北孤臣奈此何老狐棲古壘夕鳥聚寒
柯湖海三年謫秋風百感多那堪正飄泊賴有故

人過

憶弟

海郡驚時變無端涕在衫江雲白勝雪春水碧於
藍歸夢萱堂北孤蹤竹嶺南監丞安穩未相憶正
難堪

凌煙閣

九齋
燭刻

尹紹宗

定策雖群彥酬功在一人民心去隋久天命向唐
新滌蕩三邊日丹青萬古春英雄何代之往事不
須珍益齋李文忠公三數
末句曰吾所不及也

忠定王大妃挽詞

妃諱平伯
尹瓘之孫

開國元勳世平戎積德門皇天生倪妹王室配神
孫夏啓謳歌往周姜思媚存聰陵封新隧臣子正

銷魂

忠定王
葬聰陵

贈李詹從指揮

紫霞親試日清問有虞風黃甲名無右玄陵眷在
中圖書闡河洛文物煥歧豐惆悵蒼梧遠從戎平
海東

謁惠王真于錦城

鐵原方啓聖錦里爲儲英一統三韓日先登百濟
城山河扶王氣廟貌見民情願相東征鉞重開萬

世平

西江帥府

鄭思道

出獵凌霜曉，彎弓愧鬚毛。放鷹窮野闊，馳馬試山高。詭遇元非意，長驅不覺勞。擊鮮將獻闕，肯為作遊遨。

秋雨偶題

迢迢雲連塞，淒涼雨送秋。滴階驚坐睡，著柳長詩愁。夜暗憐鷄叫，天寒愧客遊。戀君心愈切，矯首獨登樓。

鎮守東江癸丑九日

登高誰舉酒，橫槊出城東。漠漠連江雨，蕭蕭落木風。聖明容我老，甘苦與軍同。定被黃花笑，醒吟酒罈空。

哭平齋李文敬公岡

韓方信

我出杏村門，視君如弟昆。忠清來有種，恭儉獨超群。謂蒼蒼生望，何違日者言。從今合坐所，高論更難聞。

送天台洪若海照磨

元松壽

客子起鄉思，蕭蕭霜葉飛。歡迎纔結襪，惜別已霑衣。祖席依寒樹，歸舟帶夕暉。遠遊雖不惡，魂夢繞

庭闈

中秋歌

鄭道傳

歲歲中秋月今宵最可憐一天風露寂萬里海山
連故國應同見渾家想未眠誰知相憶意兩地各
茫然

順興府使座上賦詩

路長山有雪村暝水生煙乘興尋安道吟詩似浩
然別離三載外談笑一尊前此曲難堪聽蒼茫歲
暮天

聞金若齋在安東以詩寄之

滄海三年別平原一笑同風塵將歲晚天地盡途
窮苦句難成讀深情默自通襄陽有山簡共醉習
池中

贈君詩語苦臨別不堪吟書劍遠遊客乾坤歲暮
心路長黃葉下鄉近白雲深獨立離亭畔秋天易
夕陰

漢陽途中

李集

病餘身已老客裏歲將窮瘦馬鳴斜日羸僮背朔
風臨津冰合凍華岳雪連空回首松山下君門縹
緲中

遣興

朴宜中

節序忽云暮客行何所之一身長作梗雙鬢已成
絲短帽風聲緊踈燈夜影遲昨非今始覺事事不
如期

首夏即事

柳橋穿翠密花塢惜紅稀鑽改青榆火栽新白苧
衣乘踈蠶已老草茂馬初肥从客綠何事思歸未
得歸

春雨

鄭摠

霖霖知時節廉纖逐曉風簷間蛛網濕階下燕泥

田翁
融著柳空濛綠催花蓓蕾紅一犁數土脉佳氣屬

紀地名詩 三首

權近

北渡桑乾水南浮揚子江金陵朝萬國鍾阜鎮中
邦齊魯宗親盛幽并醜虜降三韓非化外松岳氣
鴻厖

雨暗沙門島風高碣石山燕鴻今已至遼鶴幾時
還水接蓬瀛闊雲橫海岱閑扶蘇何處在夢繞紫
霞間

黃縣秋風晚青州落日沉涇江歸路阻渤海客愁

深方丈疑無有嗚呼弔古今
隔夷東表地渺渺望
鷄林

挽趙宰臣

成石璘

溫溫吾益友情話幾回同
未必仁人壽空留長者
風塵樓經卷上火盡藥爐
中惆悵平生事松楸夜
月籠

書感

契長壽

生理貧恒絆歸期亂每妨
涸魚誰肯濟巢燕自徒
忙道路風塵暗箕裘事業
荒倚樓溟海闊萬里迥
蒼蒼

歲暮雜述

漢江槎不至鵠嶺思還仍
野闊時舒眺樓高每倦
登群鳥飛落日獨木夔寒
藤却把三山興都懷萬
里鵬

春色

春色可天地江淮猶甲兵
謾依詩歲月不羨世功
名白眼如無見青山似有
情濁醪聊適意時復喚
兒傾

贈曹溪禪師云鑑得無字

釋祖異

鑑老禪林傑才全德亦俱
雲山知快活世路脫崎

嶇谷密谷生逕簾虛月上
跌安心行住卧日用趙
州無

登州

李詹

以客饒情緒春來更惘然
焚香靈應廟乞火孝廉
船鴈度三千里鵬鷺九萬天
幾時還故國爛熳醉
花前

舟行至沐陽潼陽驛

一粟滄波上飄然任此身
楚山遙送客淮月近隨
人衰髮渾成雪征衣易染塵
那堪行役久汀草暗
知春

懷歸

再拜子規鳥思君淚滿衣
人窮人不愛事往事多
違片月吹羌笛枯桐送落暉
松山遙在望安得一
迴歸

將赴密陽歇馬首橋新院

行旅知多少閑人似我稀
愛山隨處駐得句獨吟
歸僧院秋方至官塗露未晞
會當容此膝江上有
魚磯

寄南教授

山寺讀書日相同過一春
單裝流落處匹馬往來

頻信字傳盈尺音容隔幾塵十年翻覆後君獨有
情人

迎曙驛逢郭御史明日漢江上相別

再過三峯下傷時淚滿巾年來新月事往幾風
塵世路少相識郵亭逢故人依依不忍別立馬漢
江濱

書懷

成石珣

骨肉分離日空城獨自行淚邊黃鳥近愁裏白髭
生老已催年至名猶與利爭誰知天有眼一一見
人情

題壁上

魚變甲

歸來棲息地環堵兩三間風雨弟兄話晨昏父母
顏門聽雙磻水樓對四窻山只要君臣義休官諒
不難

十一月二十日有雪夜坐

李原

西峯寒日暮萬里凍雲凝窻外三冬雪床頭半夜
燈擁襟全似鐵呵筆更生冰欲向梁園醉其如酒
價增

登聖居山金神寺

卞季良

攀蘿登絕頂碧殿拱寒虛佛古稱尊者山靈號聖

居鍾聲雲外落松影月中踈最愛安禪子渠心政自如

題僧舍

俗客來叅佛高僧坐誦經畫燈熏古壁老檜響空庭塔立三層白山回四面青禪窓更無事終日倚風櫺

題青溪山行上人院

石路千崖盡香煙一室清客來求煮茗僧坐自翻經樹老何年種鍾殘半夜聲悟空人事絕高卧樂無生

次靈通寺壁上韻

地僻塵機息樓高暑氣微鳥隨鳴磬下僧趁暮鍾歸移石雲生袖看松露滴衣秋霜山菓熟更此扣岩扉

宿復興寺

失路投山寺人傳是復興青松唯見鶴白日不逢僧古壁留金像空梁耿玉燈前軒頗清切過客獨來憑

放洋遭大風舟回不行還泊于藍乙老浦

朴瑞生

靡鹽惟王事懸帆向日東風撞巨鼇窟舟盪老蛟
宮人物扶搖裏形骸恍惚中艱危何足說頭上有
蒼穹

馬天使思親堂圖

李惠

思親堂可畫孝子意難摹懷橘戀河曲乘查窮海
隅秋風吹去鴈斜日照慈烏囊底無長物唯藏一
軸圖

郊居

柳方善

郊居近市闔偃仰樂無厭竹靜微風過花香細雨
霑買魚尋晚艇賒酒向春帘盡日楚音少青山自

滿簾

即事

愛靜塵塵客忘機狎水鷗詩從三上寘理向一中
求屋破茅茨古山深樹木稠江魚秋正羨有意買
漁舟

曉過僧舍

東嶺上初暎彙僧扣竹門宿雲留塔頂積雪擁籬
根小徑連深洞疎鐘徹遠村蕭然吟未已清興到
黃昏

僑居

倚居活計情便覺漸忘形覓句償詩債煎茶解酒
醒玄經方欲草陋室已曾銘盡日渾無暇還將笑
此生

謫居即事

李種學

江山雖寂寞天地自清寧身困春欹枕心愁晝掩
扃何人趨北闕此地近南溟客裏春初仲時時讀
楚經

送朱子蘭

曹庚

文明天地泰優老賜還生侵路岷山碧迴舟楚水
清琴書應有待花木更含榮擾擾吾何事徘徊送

子行

禪興路上

權遇

不向禪興路于今四五年尋芳新草木訪迹舊山
川斷壠犁耕雨荒園鳥語煙繁華皆已去滿目揔
蕭然

題西江亭

愛此江亭好登臨久不回商帆投岸落漁艇逐潮
來極浦寒煙積遙山返照開機心消已盡魚鳥莫
相猜

至日還自錦山登日新驛樓

尹淮

貪程夜渡津今日一陽新竹籬疎映雪梅塢別藏
春樓閣臨長道經過問幾人白雲看漸迥回首暗
傷真

慶會樓侍宴

虎觀親臨日薰風水殿涼鳳姿瞻穆穆天樂耳洋
洋病骨醺靈液儒衣帶御香端逢好文際載筆愧
三長

呈大使

金益精

欲歸歸未得人事苦相牽回互路何遠玄黃馬不
前秋風催落葉白髮報殘年兩地相思恨難成一

夜眠

送秋

西風吹欲盡白日向何歸砌下蛩音斷天涯鴈影
稀山應臨別瘦葉爲送行飛來往光陰變衰翁也
獨悲

獨坐

權湛

朝來續殘夢猶自擁絢衾天地新春暖圖書小院
深南山雖晦跡北闕尚丹心老去交遊少幽禽傍
竹林

送日本僧文溪

釋卮雨

相國古精舍洒然無位人火馳應自息柴立更誰
親楓岳雲生屐盆城月滿闔風帆海天闊梅柳古
鄉春

山中

寒窓射朝旭危坐爽煩襟振筆摹山水開書閱古
今無心千萬乘有箒享千金自適泉林興因題方
外吟

次結城客館韻

權軫

石堡橫空半孤村傍海前古來征戰地今見大平
煙往事浮雲外流年客鬢邊長安知幾許極目意

茫然

病卧村莊書寄柳致養

梁汝恭

茅屋絕低小煙花滿壁垂飢兒啼索飯病客卧吟
詩簷短朝光早簾疎月色遲沉緜無限思爲問有
誰知

即事呈朴副正

可與言人少不如意事多古賢猶若此今我亦云
何欲語還緘默將歌忽嘆嗟眼前千萬計爭似醉
吟哦

題金城東軒

李行

客裏秋風落唵哦興渺然溪山雲影薄松菊露華
鮮倦鳥知何往征驢更不前平生無寸效慙愧老
承宣

雙韻蓮花回文體幽居作并序 朴堧

古人回文詩有十字體璇璣體玉連環體錦
纏枝體各有別樣體例今予不襲古轍別作
五言四韻詩二篇畫作蓮花之狀寄意於君
子名之曰蓮花回文云

獨處甘遺逸安身一小園谷盤宜陋室灣細近青
尊竹翠樓明月山青冠白雲學仙心切切難事世

紛紛

獨居幽興逸安分守林園谷密藏頽室灣澄映卧
尊竹踈節淡月山遠出閑雲學道勤磨切難哉解
錯紛

題剛中家梅竹蓮海棠四詠 朴彭年

剛中吾執友嗜好異尋常竹愛霜餘靜梅唵臈底
香水明搖淨植風嫋泛崇光揮洒閑中興黃庭一
兩章

送徐修撰剛中榮親歸大丘 李塏

望雲飛傳急仙桂媚堂萱爵上南山壽尊涵北闕

恩美談歸父老佳氣藹鄉村孝理仍文教邦家重
本源

除夜

成俟

歲律今垂盡端如赴壑蛇呼兒數更漏喚婦落燈
花永夜雲陰積嚴風雪勢斜清談仍促酒不必阿
戎家

次張天使寧遊漢江韻

權擘

此日足可惜濠梁幸見招春愁詩或遣豪氣酒難
消綺席光陵亂金尊影動搖清歡殊未已落日日
停橈

次伊川客舍韻

金禮蒙

杖鉞人爭賀觀風我獨傷才如餘月計政可救年
荒自是吾無策非緣法不良聞詩還有愧休咏召
南棠

次文川板上市韻

金壽寧

盛漢當千載匈奴值百年掃氛長白嶺歇馬黑龍
川聖德元和上戎功大雅前燕然須勒頌留取後
來傳

東文選卷之十

東文選十

二十五



Vertical text on the right edge of the right page, likely a page number or index marker.

